

Transkription von Stadtbucheintrag KIL 1491a

Ort, Datierung: Kiel, 1491-??-??

Signatur: Stadtarchiv Kiel, Kieler Denkelbok, 1465-1588, S. 110/a

Inhalt: Wichman Koler: Rentenbeleg; Rat der Stadt Kiel: Rentenbeleg; Tibbe Baltasars
husfrowe: Erbenspruch

anno (et cetera) xci

It(em) Reymer(e) Giseke hefft vorkofft vnnd(e) vorlaten dem(e) / Ersamen Wichman(e) Koler
Borghemester(e) thom(e) kyle vnnd(e) synen / erue(n) j m(a)rc lub(esch) Jarliker renthe vp alle
paschen feste tho / betalende vor xiiij m(a)rc lub(esch) wedder tho kopende In vnnd(e) / sym(e)
hoppenhaue belegen by ¹ der volrades beke vnnd(e) wen / Reymer(e) erbonom(ed) edder syne erue(n)
den wedderkop don wille(n) / denne scholen se wichman(n) edder syne(n) erue(n) ey(n) halff Jar / tho
vor(e)n to seggen vnnd(e) gheue(n) den bedageden renthe mydt / der bedageden renthe In
ey(n)nem(e) su(m)men welker(e) xiiij m(a)rc / baue(n)ghescreuen hefft vth ghelecht vnnd(e) to
behore(n) syner(en) / eliken vrowe(n) Katherine(n) vn(n)d ere(n) erue(n) vn(n)d syndt / wichman(e)
vorbenom(ed) togescreuen to truer handt /

It(em) Hans Schele Radtman(n) thom(e) kyle hefft vor(e)noget dem(e) / Ersamen Rade dar(e) suluest
hundert lubeske m(a)rc houestoles / vnnd(e) sosz m(a)rc Jarliker(en) renthe welke hundert m(a)rc syn
selighe / vader Hans Schele Borghemester thom(e) kyle don he in dem(e) / leue(n)de wasz dem(e)
Rade erbenom(ed) schuldich was vn(n)d weret / sake dath sodan(e) gelt vnnd(e) renthe in Jenigerley
boken edder / registern desz Rades gheschreuen edder ock besegelde breue / dar vp sprekende vnnd(e)
ludende In na tyden vor dessem(e) dat(um) / ghevunden worden de scoln nenerleywysz derhalue(n)
macht / hebben wente de renthe mydt dem(e) houetstole tho vulle(n)/kamener noghe van dem(e)
ergnant(en) Rade entfange(n) syndt /

It(em) Hartog hasse hefft ghegundt Tibbe Baltasars syner husfrowe(n) / moder ey(n)ne bode belegen
In sym(e) huse vn(n)d erue by der dore / stande In der schomakerstraten vn(n)d eynen kleyne(n) kelre
belegen / vnnder dem(e) sulue(n) huse er tho brukende na erem(e) vryen / willen vnnd(e) tho gande
stande In vth vnnd(e) dorch dath sulue / syn erue wanner er desz gheleueth de tydt eres leue(n)des
vn(n)d wen se / In goth versterueth szo mach de sulue hartog dath ergescreuene erue quith / vn(n)d
vryg bruken szo he in ertyden ghedan hefft

¹ Doppelpunkt über dem y durchgestrichen